

Den Comision di Independencia

OPINION DIVIDI ENCUANTO INTRODUCCION DOLLAR

ORANJESTAD(AAN)—Manera DIARIO a relata, awe Comision di Independencia di Aruba lo reuni ta trata e asunto di introduccion di Dollar Americano como Moneda Arubano, mientras ta sigui prepara pa introduccion di e Moneda nobo di Aruba.

Te asina leo cu DIARIO por a determina ayera, e opinionnan encuanto introduccion di Dollar ta dividi den e Comision, caminda tin miembro cu lo ta sostena e preocupacion di circulan bancario na Aruba, cu ta teme cu introduccion di Dollar como moneda por crea cierto problemanan pa e institucion bancario na Aruba.

Un punto fuerte cu ta existi contra introduccion di Dollar como Moneda pa Aruba ta, e hecho cu e por significa cu banconan na Aruba mester bay competi contra banconan den region, cu

ta y por mantene un taza di interes mas alto cu e banconan local.

Introduccion di Dollar como Moneda ta haci sumamente dificil pa ejerce control, comoquiera cu ta dificil pa controla e huida, si no tin e control atravez di cambio na banconan. Esey ta significa cu ta mucho mas facil pa un persona exporta Dollar, cu te awe ta ser controla na momento di cambio di Florin na Dollar.

E riesgo di introduccion di Dollar ta ser considera hopi grandi pa esnan cu ta opone e intencion pa temporalmente usa Dollar como Moneda oficial Arubano te na momento cu Aruba por regla su propio moneda.

Awe pues un decision mester wordo tuma y segun informantenan por spera basta discusion y hopi cautela di parti di e Comision den tratamiento di e asunto aki.

ALTERNATIVA PA ASUNTO DI MONEDA

ORANJESTAD(AAN)—Segun informenan, posiblemente por yega na un alternativa pa e asuntonan monetario, cu ultimamente ta den discusion.

Asina lo por introduci e Moneda Arubano entrante Promer di Januari 1986, introduci e moneda, pero no e billetenan. Lo por mara e Florin Arubiano na Dollar, usando billetenan di dollar pa circulacion diario te na momento cu e billetenan nobo ta cla.

Esaki lo significa pues cu e Moneda Arubano ta keda introduci parcialmente.

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO

DI ARUBA

Bo Matutino
Netamente Arubiano

DIALUNA 25 MAART 1985 AÑA 4, No. 1280

EXITOSO FESTIVAL VOZ I LANDIA



Den Ballroom di Aruba Concorde Hotel a tuma lugar e Festival Voz i Landia cu a celebra su tercer lustro. Como ganadornan a keda eligi Nelson Tromp pa e grupo di entre 10 y 13 aña, y Valerie Camacho pa e grupo 6 te cu 9 aña. Nan ta aparece ariba e foto na man robes. Ariba e otro foto por mira tur e ganadornan esta Gloria Vega, segundo lugar den voz, Nelson Tromp, Albert Peters cantante popular, Karin Peterson, ganador pa e cancion, Rafaela Tamarez Page cantante popular di 6 te cu 9 aña, Valerie Camacho cu a gana tambe pa su cancion, y Marjethy Werleman, segundo lugar pa voz.